

71
SOALAN NO: 32

**PEMBERITAHU PERTANYAAN
DEWAN RAKYAT, MALAYSIA**

PERTANYAAN : LISAN
DARIPADA : TUAN LIM LIP ENG [SEGAMBUT]
TARIKH : KHAMIS, 26 OKTOBER 2017
RUJUKAN : L2 [PR-1353-L03729]
SOALAN :

Tuan Lim Lip Eng [Segambut] minta **MENTERI WILAYAH PERSEKUTUAN** menyatakan penjelasan jawapan bagi pertanyaan bukan lisan (Soalan 539) mesyuarat Parlimen yang lalu, berbanding bukti/petanda fizikal seperti peta stesen MRT baru, Google Maps, papan-papan tanda di sekitar kawasan terlibat serta ratusan tag pokok, kesemuanya menunjukkan bahawa Taman Rimba Kiara memang merangkumi kawasan cadangan pembangunan.

72
Tuan Yang di-Pertua,

Untuk makluman Yang Berhormat Segambut, pernyataan yang menyatakan terdapat beberapa petanda fizikal di peta stesen MRT baru, Google Maps, papan-papan tanda dan tagging pokok ditapak bukanlah menunjukkan bahawa tapak dirujuk merupakan kawasan Taman Rimba Kiara. Petanda fizikal ini hanyalah sebagai petunjuk kepada orang ramai untuk mengetahui lokasi sebenar Taman Rimba Kiara (yang berada bersebelahan tapak cadangan).

Untuk makluman Ahli Yang Berhormat juga, Pelan Struktur Kuala Lumpur 2020, (Taburan Kawasan Lapang, Kemudahan Rekreasi dan Sukan 2000) jelas menunjukkan tapak ini tidak melibatkan kawasan Taman Rimba Kiara.

Persempadanan sebenar zon guna tanah adalah tertakluk kepada hakmilik tanah yang dikeluarkan oleh Pejabat Tanah dan Galian Wilayah Persekutuan (PTGWP).